

QVÆSTIO MEDICA

QVODLIBETARIIS DISPVATIONIBVS MANE DISCVTIENDA

IN SCHOLIS MEDICORVM DIE IOVIS XIII. DECEMBRIS.

M. NICOLAO MATTHIEV, Doctore Medico Præsede.

Est-ne solius Gustus de alimentis ferre iudicium?

VITA non est calor nati in humido primigenio permanſio; nec illius extinctio, aut huius marcor, mors. Verūſque incolunitate ſtatuta; alterutrius defectu planè definit: calor deſicit rependè à contrario; ſenſum, ſede ac fundamento inareſcente, quod aſſidue depaſcitur, nunc oculus, nunc tardius. Hinc ſtato rarioque annorum numero ſenectus non definienda, quæ, cum impediri nequeat, retardari poteſt (ut & ſæpius) convenienti ſex rerum non naturalium uſu, aëris imprimis ſalubris (per nares, non os) ſpiritu ducendi & alimenti cuique hominum naturæ & temperamento idonei; quibus triplicis ſubſtantie ſpirituofe, humidæ & ſolidæ ſuor indefinens quovis tempore reſtauratur; uberius tamèn & ſeliciter per omnium, quàm per vigiliam. Vires utraque nobis ſemper præſto ſit, ſapienter proſpexit natura, cum nos infimæ regionis aëris (quatuor qualitatum primarum capacis) fecit inquilinos, & nares ſemper patulas (in homine ſolo promunulas) ex cartilagine, non offe dumtaxat, compoſit; ut ſi quid vitij in ipſo olfactus, vel ratio retererit, manu alterutà iis obcuratis protinus à nobis arceamus. Et ne alimenta uſquam deſint, tam multa, tam varia, tamque jucunda, in aëre, aquâ & terrâ, neque ea uno tempore anni, gignit, ut non immerito ambigi poſſit, num pari curâ delectationis ac ſaluti & neceſſitati noſtræ ſemper & ubique occurrere ſtudet: Quibus promiſcuis ne in perniciem noſtram, perinde ac ſanitatem abuſamur, iudicio opus. Id ut rectum ſit, cognitione per ſenſus hauſtâ niti debet, non quolibet, ſed quibus datum eſt eorum, quibus veſcimur, dores & vires explorare, effectus experiri.

ALIMENTA, ex eorum genere quæ *de reſp. vi* dicuntur, res ſunt non naturales, ſubſtantie corporeæ, mixtæ, pluribus conſtantes ſubſtantiis ac partibus diſtinctis naturâ, ſubſtantie modo, qualitatis non uniûs generis, nonnunquàm inter ſe pugnantibus temperamento; ex quantum unoquoque unum emergit, quod totius compoſiti proprium eſt; huius proprietates ut & formarum, jure vires occulte perhibentur. Cum hac ſubſtantiarum diſcrepantia, qualitatum & temperamentorum diſſidio, ſtat tamèn ea cum corporis noſtri partibus ſimilitudo, quâ poſt multas mutationes in partium ſubſtantiam faciſſunt; in ſenſibus, tantùm ut ſubſiſtant, in juvenibus, ut præterea incrementum capiant: tameti annorum decurſu facultas auctrix nuſquam intercidat. Quæcumque eas mutationes ſubeunt de alimentorum familiâ ſunt; conveniens iis adeſt cum calore noſtro nativo (non unico mutationum illarum auctore) proportio, & cum corporis noſtri partibus ſubſtantie familiaritas (quam quibuldam coctio conciliat): hinc appetuntur, ut ſanem explant, ſitim ſedent, vires roborant, & animam deficientem fulciant, priuſquam triplicis ſubſtantie deperditæ jacturam reiſpâ nullâ in corpore peregrinâ qualitate ſuperſtite reſarciant; in quibus alimentorum ratio poſita conſiſtit.

RERV M ſubſtantie ſenſuum examen & cenſuram non ſubeunt, cognitionem noſtram effugiunt, niſi ſuis ipſæ ſe prodant qualitatibus aut effectibus: manifeſtarum, tibi ſenſus, latentium, experiendi dūce ratio, inſida magis quàm brutarum animantium inſtinctus, non inſulſus viro-
rum etiam doctiorum magiſter. Ad alimentorum dores accuratius penitendus inſpectio non providam modo, verum & ſagacem ſe præſtitit natura, cum guſtum non unicuique eorum iudicio præſcit præſentique, & viſum, odoratum atque tactum illi mancipavit. Eamobrem ut oculi, ſic nares oris vicinitatem ſecutæ, cui labia tantquam affectu adjuncta, ne quid guſtatu tanquam principi cibi & potionis iudici offeratur, cuius viſus, odoratus & tactus periculum non fecerint & probaverint: hinc vinum fugiens ac jam vappam ſi viſus deprehenderit, & olfactus coreum (illius *de reſp. vi*) contraxiſſe perſenſit, protinus abjicitur: ut pote potui ineptum, guſtare cum falſidio non digni: Quæ ingerenda ſuntur, ſi calore nimio, vel frigore, vel aſperitate labii ſint inſenſa, è veſtigio, ut guſtui nocitura, repelluntur. Is ore continetur & ad incolunitatis cuſtodiam aptè, & ad uſum ac munus ſuum obeundum: ejus ſedes non unica eſt, organum præcipuum, (non in omnibus animalibus) lingua; vel potius ejus tunica mollis, tenuis, poroſa, ſpiritu innato partim aqueo, partim terreſtri, & influente ejuſdem indolis perſuſa; objectum, ſapor; medium, humor, non quilibet, ſed organo & objecto cognatus: Hunc, niſi alimentum continet, ſupeditat lingua ſibi inexiſtentem, aut à vicinis partibus mutuam, nec nimia copiâ, nec alienâ qualitate donatum. Id ſi durum & concretum, ſimul ac admovetur, frigore quidem ſuo, aut durtie tactum movet; non ante guſtum, quàm à linguâ ſalivâ irrigatum, aut illius calore liquefactum ac dilapſum diffundatur: Si durum nec liqui poſſit, dentibus (ſenſu prædiis, & quovis alio offeſſu durius) incidendum, atterendum, levigandum, liquore ſalivali undiqueque perſunden-
dum, priuſquam ſapores ſubſtantii variis, ex quibus coaliit, inſidentes guſtum afficiant; quem non movent purgandi vi, nec venenata qualitas (ſi quæ illi inſit vel à naturâ, ſoli conditione, proprio viciniâ, paſta aut aliâ ratione): Viſu itaque ſolo aut etiam ratione innotefcit.

ID quod alit, ut quod alitur, ſimplex non eſt; odoris & ſaporis experts eſſet, nec appeti poſſet, nec oggeri: Mixtum itaque eſt, non tantùm conſtans quatuor ſimplicibus corporibus variâ inter ſe proportionem copulatis & exactè permixtis, eorumque qualitatibus primis variè refractis & tenuiſ; verum & ſubſtantiis pluribus, ex iis genitis, conſiſtentia, temperamento, colore, odore, & ſapore inter ſe diſcrepantibus; ex quorum omnium unicuique à naturâ inditorum integritate, ut de ipſius bonitate dubitare neſas eſt, ſic ex iis labefactis aut corruptis labem aliquam aut vitium illi inſitum eſſe, certum indubitarumque eſt. De eſculentorum à potulentis diſcrimine rectè iudicand viſus & tactus, & de eorum tenuitate aut craſſitie, durtie aut mollitie &c: ſed quæ concretæ à calore aut frigore nata ſunt, quæ liquari valeant, vel non, id rationis eſt uſu firmatæ, ſtatueret. De illorum coloribus, viſis; de odoribus, olfactus; & de ſaporibus, guſtatis, iudicium erroneum eſſe non poteſt: maxima ſiquidem eſt in ſenſibus circa propria objecta occupatis veritas. Color & odor qualis ſiteorum ſubſtantia & temperamento, non demonſtrant, at ſapori hinc acerbæ omnia ſubſtantiam nata ſunt craſſam & terreſtrem, temperamento frigidum ſiccum; falſa terrene ſunt ſubſtantie, calida & ſicca, minis tamen quàm amara; unde qui pluſculum jejuniū pertulerunt, iis ſaliva falſa; qui plurimum, amara: ab his & cæteris guſtus afficitur, à ſolo acri, guſtus & tactus. Alimentorum vires ſi ſenſibus impervias ratio ſola inveſtiget, ſi eas experiri non deat citrà ſanitati aut vite diſpendium.

MANYS ideò nobis datæ ſunt, ut non ad otium & deſidiam, verum ad laborem à Deo conditis eſſe ſemper meminerimus. Eo tameti medici calor noſter intenditur, & ſanguis in univerſum corporis habitum facilis expediatque ſit anadoſis; excrementa per ipſum quoquoque ſuſu diſſuſa attenuantur, diſcutiuntur, non leviſem alioqui noxam vite principiis eorumque ſedibus illatura. Hæc equidem comoda, hoſ uſus præſtare non poteſt, quin ſpiritus partiumque ſubſtantia multiplex ex eo detrimentum non capiant; quod ut oppido aut quàm citiſſimè reſtauretur, earum unaquæque, quod ſibi proprium eſt & *invariabile*, appetit, attrahit, nec attrahere per venas prius ceſſat, quàm voti fiat compoſ. Tractio continuat ſerie ad hep. utque protenditur, (concuſſionem naturalem ſedem) cuius eſt ſanguinem (unicam materiam omnibus corporis partibus alendis idoneam & ad alias functiones naturæ neceſſariam) ſubminiſtrare; quem jugiter non poteſt præ chyli penuriâ, quâ inanitum labore ſe ſignificat ſuſu ſuo per venas ad oriſcium ſuperius ventriculi pertineat, illudque diſſentire. A diſſuſionis ſenſu, cibi & potionis convenientis naſcitur deſiderium. Is non ingeritur, niſi tactu, viſu & odoratu exploratus. Vbi ingeſtus eſt an *invariabile* ſit, necne, iudicat guſtus: cui ſi ſavus videatur, erit & ventriculo, qui tanquam prudens promus condus omnibus univerſi corporis particulis proſpicit, providerque; quoniam nihil expetit, niſi quod ſibi iſſique ex uſu eſſe poteſt, idque non modò conſicit & coquit, ſed & tanquam promptuarium colligit & aſſervat: ſane verò expleti & ſiti ſedatâ, quique ingratuſ erit: hinc eſt, quod, quæ deſiderantibus ſunt alimenta, onera ſunt plenis. Qui ſanitati ſuæ rectè conſultum cupit, ſenſuum iudicio non ſemper itabit; eorum perſpicaciam eludunt lactis capilli purgandi viſ, coturnicum, pavonum, gallorum Numidiorum, anatium coralium venenata ſubinde qualitas, fungorum edulium viſ nonnunquam deleteria. Aequitatis itaque illorum iudicii fidem faciunt ratio & experientia; hanc periculoſam qui duxerit, cautior ſit minùſque avidus, conſuetudo tantum faciliſque cibo nec per artem voluptatemque corrupto corpus ſuum alac ac reſciat, labori & ſumptibus parcat, anxii animi ſollicitudine vacabit & ab omni noxiæ alimentis metu atque ſuſpitione vindica-
bitur.

Ergo non eſt ſolius Guſtus de alimentis ferre iudicium.

DOMINI DOCTORES DISPVATVRI.

M. Franciſcus Landrieu.
M. Antonius de Sartes.
M. Daniel Arbinet.

M. Carolus Baralis, Medicus Regius.
M. Ioannes Antonius Bourgand.
M. Germanus Hureau.

M. Claudius Quiquebeuf.
M. Franciſcus Piart.
M. Petrus de Beaurnais, Schola Antiquior Magiſter.



Proponebat Lutetiæ CLAUDIVS PVYLON, Pariſinus, A. R. S. H. M. DC. LXVIII.